

中國地方志集成

河北府縣志輯 ⑦③

光緒南和縣志

康熙南和縣志

民國廣宗縣志

上海書店 ● 巴蜀書社 ● 江蘇古籍出版社

叙

章實齋倡方志之學於今且百五十年。晚近學者。屬風揚波。不遺餘力。海內州邑。新修之志。相銜而出。而求其能不悖於章氏之旨。真可爲方域留。故實者。殊不數數觀。蓋通才之難得。而俗論之難諧也。不佞領河北幕職。竊願得交河北之賢士大夫。且聞河北之遺聞佚事。爰有河北月刊之輯。兼爲河北通志試擬義例。於是得一賢者。與不佞有針砭之契焉。曰廣宗韓君。虛谷韓君。既以其縣沿革與志館相商。權復以所撰廣宗縣志。叙例郵致。屬爲弁言。不佞受而讀之。以爲其善有五。提要鉤元首重。年表有此一編。而一縣之史蹟。始若網在綱。則大事紀之善也。抒述社會經濟狀態。爲方志要旨。舊志往往遂無一語及之。此書力矯此弊。則民生風俗略之

廣宗縣志

卷首 叙

廣宗文獻委員會印

善也。舊志列傳多失詳。慎此書凡正史有傳者。均錄史文。而仿裴注陳書之例。廣異聞以資佐證。則人物列傳之善也。舊例選舉表不適於今。今改爲人表。不濫不遺。則人表之善也。舊例名宦亦多疏濫。今仿名臣言行錄之例。以紀官斯土之有功德者。則政績錄之善也。韓君真通古今之變。而具史才者。余乃知彌而不能薦。不使韓君獲在其位。以昌河北之文教。今余已謝事。尤耿耿負疚於衷。作是序以歸之。不足爲韓君重。徒志余媿也。民國二十二年八月。前河北省政府秘書長兼通志館館長瞿宣穎撰。

序

昔朱晦翁知南康。下車伊始。首訪郡乘。誠以爲此邦官吏。則總一邑之政務。考問利病。舍邑乘固莫屬也。予於民國之廿年。攝篆廣宗。檢閱縣志。則修自有清同治之季。距今將六十年矣。時事變遷。書缺有間。又中經國體更易。諸多改觀。及時續修。尤爲當務之急。是春。大府以編纂河北通志。檄各縣延紳耆搜故實。呈備採錄。報命之後。因得踵以是役。董其事者。爲邑紳牛君可久。佐以王君子潛。二君從事地方公益甚久。徵文考獻。悉以咨之。而筆政之司。實總於韓君。虛谷君。續學工文。久重名宿。躬歷宰官。通達吏事。因克以其識力。精研審覈。輯新之餘。並及釐舊。凡前志記載有蕪雜者。今皆易以雅馴。序述有缺略者。今必求其詳。賅而民國改建以來。政令變置。既驟且頻。時過境遷。亦艱於回溯。加以十六年。團會入城之變。縣署案卷。遭燬滅大半。燼餘掇拾。動見殘闕。總斯困難。乃悉有以通之。及其既成。觀者歎服。而不知其用心亦良苦矣。修志預算計及酬勞。韓君平津。羈旅遂並領廩而辭之。然且纂輯之外。兼顧校勘。其自効於桑梓之勤。誠晚近所未有也。余幸遇賢明。得觀成事。樂書原委。以諗來者。且以見地方庶務待人而理。魯無君子斯焉取斯云。

廣宗縣志

卷首 序

二

廣宗文獻委員會印

民國二十二年十月廣宗縣縣長齊姜極榮撰

序

民國二十年河北省政府纂修通志徵集志料檄各縣延員編纂維時與王君克明魏君咸臨呂君陸榮承之其事越數月而報命縣長姜公以廣宗舊志斷自清同治之季迄今將六十年宜及時重修推予爲主任王君克明副之復函聘韓君敏修來縣從事當草創之始擬以志料門類爲主舉舊志所載者附入於內爲其有所因依易於成書也既以頗多枘鑿之處爰創擬凡例釐定篇目屬案未定韓君因事赴津旋留滯舊都繼續編輯每成一篇由郵寄縣今年四月臺始彙齊以付正書至六月而完畢其體例視前又稍有變更蓋已三易其藁矣何其慎也昔人有云作史之難無出於志蓋簡則失之略詳則傷於蕪欲其文直而事核固非易也韓君平日留心鄉邦文獻凡與邑掌故有關者無不手鈔筆錄且於各縣志書涉獵多而鑑別精舍短取長成一家言是志之作其信今而傳後必矣余忝膺主任列名簡端亦暮年一幸事也時當付印因撮述其始末如右至於志之應作前人已詳言之志之所載覽者自能辨之故不復贅

民國二十二年十月邑人牛韞瑤序

廣宗縣志

卷首 序

三

廣宗文獻委員會印

序

周官外史掌四方之志鄭氏註謂如晉乘魯春秋楚檣杌之類蓋古者列國皆有史官以記其國之故實見於傳記者若史克董狐史蘇史黯左史倚相諸人其尤著也自封建變爲郡縣於是國有史而地方無史間有續學之儒擬拾郡邦舊聞勒爲一編如汝南先賢傳襄陽耆舊傳華陽國志之類亦僅千百中之一二耳郡縣之有志萌芽於唐宋及明而益繁逮乎清代修志奉有詔令無縣無之惟設局修輯每因大吏迫促之急令長更迭之頻倉猝成編多乖體要修陳山川人物之美難探詩賦傳記之文雖卷帙宏富文章淹雅然欲藉以考覈庶之休戚政治之得失士習民風之淳漓則茫然不得其要領無惑乎方志之書爲世輕視而置諸不識之列也廣宗爲縣其來舊矣其有志則明隆慶時邑先達呂信始創爲之萬曆時知縣馬協復行增益清代官斯土者康熙時劉繼吳存禮嘉慶時李舒舒同治時羅觀聲皆踵而續之少所變更自同治迄今將六十年世運驟變清季維新取法列強舊有制度棄若弁髦民國肇造政同舉棋雖在一邑更張頻仍其法令之因革損益俗尚之推嬗變遷若不及時詮次筆之於書日月居諸將等於杞宋之無徵邑人士有志於斯者

廣宗縣志

卷首 序

四

廣宗文獻委員會印

屢矣以國家多故舊待未靖戎馬在郊因循不果比年以來時和歲豐鄉鄰公來長茲邦適大府有纂修河北通志之舉檄各縣蒐集故事以備採擇迫於時日急就成章公於是復有重修縣志之議詢謀僉同以牛君可久主其事王君子潛爲之副不棄對非並及下走敬恭桑梓誼何敢辭竊維一縣之志卽一縣之史必先考古而證今乃可信今而傳後爰遠稽史籍旁及前賢著作諸書近逮見聞所及網羅放失薈萃成篇就耆獻故老諮詢今情於殘碑斷碣搜尋往蹟一言一字必求其有據而不敢苟焉自來修志者往往拘避嫌常例於邑內人物身沒未久者概從闕略夫縣志之作遠或百餘年近亦數十年與其世遠年湮待傳聞之異詞何若比事屬辭具當時之實錄惟期發潛德之幽光斷不爲諛詞與曲筆斯亦可以告無罪矣又近代民族主義旁礴宇內永清之志氏族深州之列人譚師資不遠允宜則徵而邑俗樸陋譜牒殘闕是以未遑載筆計自屬稿以至殺青閱時非有餘凡爲紀一以綜一縣之事蹟略九以考古今之典章錄一列傳十二以著令長鄉賢之功業表二以記職官人物之姓名提要鉤玄粗舉綱領顯微闡幽略陳淺見事實雖取材前作體例則不襲故常異日上之國史比於周官土訓訓所道諸端庶乎其有一得也惟下走

才乏三長學殖荒落勉竭駑散以襄一邑文獻之役綆短汲深良自愧慙邦人君子
不乏碩彥或爲劉昭之補闕或爲吳縝之糾謬斯所日夕盼望者也
民國二十有二年十月邑人韓敏修識

廣宗縣志

卷首 序

五

廣宗文獻委員會印

廣宗縣志編纂會題名錄

監修

廣宗縣縣長 姜樞榮

湖北南漳縣人
長河

廣宗縣區黨部常務委員 祁卓如

北寧縣人

主任

廣宗縣文獻委員會委員長 牛韞璫

可久邑人
清光緒己丑科舉人

撰述

廣宗縣文獻委員會委員 韓敏修

廣宗縣人
清光緒己酉科拔貢

襄撰

廣宗縣文獻委員會委員 王克明

生於國史館人
清光緒己酉科拔貢

繕寫

廣宗縣監獄署書記 李振麟

廣宗縣人
清光緒己酉科拔貢

廣宗縣第二區助理員 史鴻振

廣宗縣人
清光緒己酉科拔貢

繪圖

廣宗縣志

卷首 題名錄

六

廣宗文獻委員會印

廣宗縣教育局事務員 張岫嵐

廣宗縣人
清光緒己酉科拔貢

廣宗縣財務局事務員 遼春熙

廣宗縣人
清光緒己酉科拔貢

採訪

廣宗縣財務局局長 史立山

廣宗縣人

廣宗縣教育局局長 靳照海

廣宗縣人

廣宗縣鄉村師範學校校長 孫士魁

廣宗縣人

廣宗縣高級小學校校長 張福庭

廣宗縣人

廣宗縣第一區區長 李永錫

廣宗縣人

廣宗縣第二區區長 燕際安

廣宗縣人

廣宗縣第三區區長 張茵

廣宗縣人

廣宗縣第四區區長 尹紹榮

廣宗縣人

廣宗縣第五區區長 李書全

廣宗縣人

廣宗縣第六區區長 霍振綱

廣宗縣人

廣宗縣第七區區長 常時芸

廣宗縣人

廣宗縣志目錄

卷首

凡例

縣境全圖

縣境分區圖

縣城街道圖

縣政府圖

縣立男女高級小學校圖

縣孔子廟圖

卷一

大事紀

卷二

地輿略

卷三

廣宗縣志

卷首 目錄

七

廣宗文獻委員會印



藝文略

卷十一

政績錄

卷十二

職官表

卷十三

列傳第一

列傳第二

列傳第三

列傳第四

列傳第五

列傳第六

列傳第七

列傳第八

廣宗縣志

卷首 目錄

八

廣宗文獻委員會印

廣宗縣志凡例

一縣志體例完善難武功靈壽世稱名作然猶不免後人指摘清儒章學誠研覈方志之學所撰永清和州諸志約以紀表圖書略傳提綱挈領謹嚴得體今師其意稍加變通以圖居首次爲紀略錄傳而表即附於各篇所有事實分篇敘述不復列著子目以避繁碎之譏

一左圖右史古人所重況地輿非圖不明故以圖冠首舊志縣圖頗爲簡略今據最近測繪描摹添入至警察教育自治分區域池縣學校形勢各圖依次列後一編年紀事肇自春秋後此呂氏有十二月紀各正更有本紀皆法春秋者也志之與史具體而微故先以紀綜括縣內大事

一書之總名爲志則其中分篇不應復以志名致涉重複鄭氏通志於言典章文物者統以二十略茲故於敘述沿革及有所考証者概名爲略

一章氏謂叙次名宦不當與鄉賢同爲列傳立論頗當蓋名宦但記在縣一時善政與列傳具詳生平始末詳略各殊也宋朱子有名臣言行錄今仿之曰政績錄以紀官斯土之有功德可稱者

廣宗縣志

卷首 凡例

九

廣宗文獻委員會印

一人物列傳凡正史有傳者均錄正史原文餘則依舊志暨採訪稿詮次其有軼聞佚事別見各家著述者仿裴氏三國志註之例分註正文下用資佐證惟舊志多錄私家傳失於繁冗略爲刪節以期簡潔

一史遷作表原本周譜經緯分明實爲執簡馭繁之法吳氏深州風土記篇各有表允推傑作舊志有職官封爵選舉諸表茲於職官封爵合併爲一選舉改爲人表以求賅括其餘因事列表分隸各篇冀便觀覽

一星野之說荒渺難稽最爾一邑縱橫不過數十里謂爲上應列宿殊嫌附會舊志首列星野寥寥數語無關宏旨故從略

一舊志所載典禮如朝賀救護頒曆春諸端俱載會典通禮且爲全國通行非一邑所得而私況現在廢止已久毋須再行鈔錄故刪除

一舊志藝文登載詩文雜著今擇其文章爾雅暨與本邑卒故有關者仿史漢例分別散入各門及列傳內其歌詠景物或文與本縣無涉者概從割愛

一本縣縣志自明隆慶迄清同治修輯凡五次板本或存或亡今於藝文略後著其卷數並錄序文庶先哲編纂苦心不致湮沒

一廣宗得名肇自兩漢隋唐而後改稱宗城幅員本自遼闊元代恢復古名改遷新治仍在宗城縣屬地境內說詳地故凡史冊所載廣宗宗城各事蹟人物概爲錄入

一志爲史體不尚文辭舊志各卷內令長明府廣文明經等名皆古代制度易消耳目今俱改用當時名稱以期紀實

一舊志所載事實未敢刪削惟於浮泛詞句酌加剪裁俾歸雅馴舊志所略者補行纂述昔歐陽公修新唐書謂事增於前文省於舊雖不能至心嚮往之

一舊志藝文搜羅亦自非易於志既無可附麗歲月寢久或致佚失茲倣章氏之例別爲廣宗文徵另卷鈔錄以存先賢遺著

一本縣自民國十六年民變後縣署檔案散失考徵爲難由清同治迄於今茲代異時移父老凋零採訪亦恐未週疏略之處知所難免尙希大雅君子教而正之


廣宗縣志

卷首 凡例


十

廣宗文獻委員會印


廣宗縣第一區圖




廣宗縣第二區圖




廣宗縣第四區圖





廣安縣立高級中學圖



廣安縣立高級女學校圖

廣宗縣志卷一

大事紀

司馬遷作史記始創本紀後之修史者莫不宗之方志爲地方之史其宜有紀也明矣惟在君主時代史家每以紀爲帝王專用之名詞章氏志永清爲紀者二而皇言只錄詔勅恩澤但記獨免取材過狹致爲後人所訾議夫紀之爲義所以紀年非僅爲帝王作傳也顏師古註謂紀理也統理衆事而繫之於年月也說誠允當廣宗雖小然有土地有民人數千年來固不無可紀者今取其事體重大如天災人患水旱兵戎及國家政令與民生休戚相關者編年紀月大書特書以備國史之要刪其鄉曲瑣聞私人軼事概不闕入昔左氏襄昭之間遷史建元而後敘述特詳今自清光緒以還乃寥寥無幾則以民國十六年縣署兩次變亂檔案焚毀網羅舊聞什不得一二與其傳聞異詞致多舛誤毋寧守闕文之義云爾

殷紂元祀益廣沙邱苑臺

年史月記殷紂本紀未詳外紀詳

周赧王二十年趙主父及惠文王游沙邱異宮公子章田不禮以其徒作亂公子成

廣宗縣志

卷一 大事紀

廣宗文獻委員會印

與李兌自國至乃起四邑之兵入距難殺公子章及田不禮滅其黨是時惠文王年少成兌專政公子章之敗也往走主父主父開之成兌因國主父公子章死成兌謀曰以章故國主父即解兵吾屬夷矣乃遂圍之令宮中人後出者夷宮中人悉出主父欲出不得又不得食探雀穀而食之三月餘餓死沙邱宮

秦始皇三十七年東巡還至平原津而病七月丙寅崩於沙邱平臺丞相斯爲上崩

在外恐諸公子及天下有變乃祕之不發喪秦始皇三十七年東巡還至平原津而病七月丙寅崩於沙邱平臺丞相斯爲上崩


倒我衣囊行至沙邱而亡果驗

漢平帝元始二年四月封代孝王之玄孫如意爲廣宗王王莽篡位國除

東漢章帝分鉅鹿地置廣宗縣

年見漢字紀

和帝永元五年正月封弟萬歲爲廣宗王分鉅鹿爲國其年薨無子國除還併鉅鹿
靈帝中平元年二月黃巾賊張角劫安平王續囚於廣宗遣北中郎將盧植討之六月盧植連戰破張角斬獲萬餘人角等走保廣宗植築圍堅壁作雲梯垂當拔之帝遣小黃門左豐視軍或勸植以賂送豐植不肯豐還言於帝曰廣宗賊易破耳盧中郎固壘息軍以待天誅帝怒檻車徵植減死一等遣東中郎將董卓代之卓攻張



角無功抵罪詔以皇甫嵩討角時角已死十一月皇甫嵩與角弟梁戰於廣宗梁衆精勇嵩不能克明日乃閉門休士以觀其變知賊意稍懈乃潛夜勒兵鷄鳴馳赴其陣戰至哺時大破之斬梁獲首三萬級赴河死者五萬許人張角於廣宗時劉備與關公張飛初結義引本部五百人來廣宗見植植命往迎川約

獻帝初平三年公孫瓚擊青州黃巾賊大破之還屯廣宗改易守令冀州將吏無不望風響應袁紹自出拒瓚與瓚戰於界橋南二十里瓚兵三萬其鋒甚銳紹令麴義領精兵八百先登強弩千張夾承之瓚輕其兵少縱騎騰之義兵伏橋下不動未至數十步一時同發譟呼動地瓚軍大敗斬其所置冀州刺史嚴綱獲甲首千餘級追至界橋瓚歛兵還戰義復破之遂到瓚營拔其牙門餘衆皆走

初平四年三月袁紹軍薄洛津

晉懷帝永嘉三年漢石勒徙陳川部衆五千餘戶於廣宗

四年二月漢石勒渡河攻廣宗清河諸縣降勒者九萬餘口

漢劉淵以劉靈爲冀州刺史屯廣宗

廣宗縣志

卷一 大事紀

廣宗文獻委員會印

於廣宗時值大霧引軍就道卒與勒遇爲勒所殺

愍帝建興元年漢石勒攻乞活帥李暉於上白斬之

穆帝永和五年趙王石虎卒太保張豺謀誅李農農奔廣宗帥乞活數萬家保上白

趙后劉氏使張舉統宿衛諸軍圍之

東魏武定元年正月廣宗郡獻白雉

武定三年五月廣宗郡獻白鳥

武定五年八月廣宗郡火燒數千家

北齊天保中廣宗有馬兩耳間生角如羊尾

隋煬帝仁壽元年改廣宗爲宗城縣

唐高祖武德四年十一月劉黑闥將兵數萬進逼宗城黎州總管李世勣先屯宗城

棄城走保洛州

德宗興元元年正月朱滔遣將馬質攻宗城經城百餘日不能下四月李抱真與王武俊連營而進滔引回紇出戰武俊遣兵馬使趙琳將五百騎伏於桑林抱真列方陣於後武俊引騎兵居前趙琳自林中出橫擊之回紇敗走武俊急追之滔騎兵亦

走

昭宗乾寧三年九月河東將李存信攻臨清敗汴將葛從周於宗城北

昭宗天祐三年四月鎮州大將王鈞攻魏州叛將李重霸於宗城重霸棄城走

後梁太祖乾化二年十一月趙王王鎔遣將王德明將兵三萬掠武城至於臨清攻

宗城下之梁魏州帥楊師厚伏兵唐店邀擊大破之斬首五千餘級

均王貞明元年劉鄩謀西襲晉陽遇雨不得進自西山下至邢州陳宋口踰漳水而

東屯於宗城

晉高祖天福六年成德帥安重榮舉兵叛南向鄴十二月戊戌杜重威擊之遇於宗

城西南重榮爲假月陣官軍再擊之不動重威懼欲退宛丘王重胤曰兵家忌退鎮

之精兵盡在中軍請公分銳士擊其左右翼重胤爲公以契丹直衝其中軍彼必狼

狽重威從之鎮人陣稍却趙彥之卷旂策馬來降彥之以銀飾鎧胄及鞍勒官軍殺

而分之重榮聞彥之叛大懼退匿於輜重中官軍從而乘之鎮人大潰斬首萬五千

級重榮收餘衆走保宗城官軍進攻夜分拔之

宋哲宗元祐四年七月河決宗城

廣宗縣志

卷一 大事紀

廣宗文獻委員會印

八年正月河北轉運副使趙鼎上議修宗城堞塞宗城決口

宋高宗建炎元年金將烏延胡里改攻宗城守者棄城走恩州烏延胡里改追殺千

餘人獲車四百輛

二年金阿里括取宗城

元太祖八年取金河北邢洛諸郡縣 改宗城縣爲廣宗縣尋省

憲宗三年於武道鎮置司總管

五年復於武道鎮置廣宗縣

順帝後至元十八年民食蝗 順帝後至元

明成祖永樂二年遷山西洪洞等縣民於境內 今縣內各村民譜牒記載贊父老樂傳

二十二年漳水溢 見明史

憲宗成化八年大饑人相食

十八年大水

武宗正德二年十二月大雪除夕更甚墮人門戶

三年五月雨雹積二三尺樹木枝葉盡剝
八年秋黑雉見人不敢入室夜鳴金鼓以衛天雨乃息

按明史五行志正德七年六月壬戌黑雉見順德河間及涿大者如犬小者如
豬夜出傷人有至死者尋見於京師形赤黑風行有聲居民夜持刀斗相警達
旦逾月乃息舊志謂係八年秋與史異

世宗嘉靖四年城東城現日初昇時城東十里許遙望縣城高聳壙壙
舍人物往來宛然在目移時乃罷如是者數次
八年大霖雨傷稼壞民廬舍

二十年民食蝗

三十二年大霖雨屋垣多頽

三十三年賀家莊石鳴諸生賀天穀家石門敬作鳴
取而懸之不報鳴凡四十日

按子不語怪五行之說為科學家所非屑道然左氏傳石言於晉班史志泰山
石立未必盡屬子虛也石鳴理之所無事或有之舊志所載不敢削也

三十九年夏三月不雨蝗飛蔽天大饑
神宗萬曆十一年夜雨星隕天鼓如雷

廣宗縣志

卷一 大事紀

四

廣宗文獻委員會印

十四年旱

十五年旱饑

十六年大侵復大疫

二十四年八月南城濫及城南數村池水忽溢二三尺尋已復溢者三日

熹宗天啓六年大水

莊烈帝崇禎元年大旱蝗大風拔樹盡晦

十一年十一月清兵破城知縣陳尚信死之

十三年大歉斗米貴錢瘟疫流行人相食死者過半

十七年流寇猖獗繼而叛兵入城搶劫殆盡五月寇破城盤踞七日貧富之家質產
蕩然

清世祖順治四年四月雨雹傷麥秋禾俱毀

五年土寇攻城知縣錢國琦敗之

九年大水浸城

十年漳水溢城不沒者三版此後水患十餘年

聖祖康熙七年六月初八日地震

十五年征收城關並集場村鎮臨街房屋稅縣內磚房六十七間每間征銀四錢瓦
草平房二千八百七十一間每間征銀二錢共征銀六百零一兩止征本年一年後
不為例凡現任官員並鄉紳以及舉貢監雜職名下本身地畝所征錢糧每兩加征
銀三錢見康熙縣志

十八年七月初二日地震

二十年八月初一日日食

二十一年蠲免被旱成災地糧銀共地一千四百三十三畝五錢八分
共銀七百八十三兩五錢二分三釐

二十三年蠲免被旱成災地糧銀共地一千四百三十三畝五錢二分三釐
共銀七百八十三兩五錢二分三釐

二十四年十一月初一日日食

蠲免全縣地糧銀三分之一銀五千三百九十九兩五錢五
分八厘一毫九絲六忽五

二十六六年蠲免全縣地糧銀惟匠役學田不蠲額內額外共征銀一萬五千九百三十
兩六錢八分四厘五毫八絲九忽

二十七年四月初一日日食

廣宗縣志

卷一 大事紀

五

廣宗文獻委員會印

二十八年蠲免被旱成災地糧銀共地三百九十二畝四分
共銀二百四十四兩一錢五分一厘五毫

二十九年發倉穀賑饑民大口一千四百二十四名給銀一千二百五十五兩
小口二百二十四名給銀一千九百八十七兩二錢

名道發銀一千兩賑饑民賑銀大口三千二百三十三兩三月十九日黑風晝晦
十六名小口三百二十一名

九日黑風晝晦 八月初一日日食

三十年蠲免被旱成災地糧銀地三千五百三十三畝四分五厘共銀一千二百
五錢一分一厘五毫三絲五忽五

日日食

三十一年正月初一日日食 二月初一日大風晝晦 三月疫行人有死者知縣
吳存禮捐俸延醫施藥五閱月全活者衆

三十四年四月初六日地震

四十年七月初五日未時雨雹大如雞卵深尺許樹木秋禾盡毀飛鳥墮地死

五十一年二月初十日黑風晝晦 二月十六日黑風晝晦

五十九年六月初八日地震 七月初一日日食

六十一年歲凶民大饑

世宗雍正元年四月初七日酉時黑風不辨咫尺

五十五年大水禾稼渰沒給縣民九十以上老人張國臣等七名八十以上老人

一緩征被賊竄擾之七斗店等四十村地根銀

二年知縣王賓勸捐修城 緩征被賊竄擾之樓斗寨等三十四村地根銀 二月

二十日梟匪程敬書竄紅廟廟村一帶二十一日南竄城北城東各村燒殺擄人無
數踞紅龍集焦家莊葫蘆等村

三年正月十三日雨雪震雷 四月初一日日食 初九日賊自東北竄入縣境搶
掠李懷集一帶村莊 九月初九日匪二百餘人竄擾城南霍城寨知縣王賓率義
勇與四鄉團勇破之縣境肅清

四年以紳民捐款修城永廣文武學額各一名

六年六月梟匪張錫珠擾縣境 九月初九日騎賊馬禿子大頭和尚等數百人竄
擾小柏社馬井大平臺侯家寨等村旋西竄入平鄉縣屬河古廟 豁免同治二年
以前民欠錢糧

七年正月金星犯歲星占者曰主齊地有兵擒匪張總愚竄擾縣境紳民晝夜防守

八人大旱六月始雨 緩征歉收四分之馬房營等十五村地根銀

九年六月間蟲食禾稼

廣宗縣志

卷一 大事紀

十

廣宗文獻委員會印

十年大水秋禾被潦成災 緩征歉收四分之南孝路等五十七村地根銀 緩征
歉收三分之牛里莊等四十村舊欠地根銀

十一年五月初一日日食 十二月三十日晚天鼓鳴有聲如雷

十二年豁免同治六年以前民欠地根銀

十三年四月十四日黑風自西北起晝晦移時紅黃互變

德宗光緒二年旱閏五月十八日始雨

三年大旱無麥禾

四年春旱三月二十八日大風無麥秋穫以前斗米值京錢三千二百文人多餓死
遇城鎮集期踴臥街市者無日無之

十一年大水漳河上游溢水入境距城五六里秋禾潦沒

二十六年大旱七月十二日始雨 八月二十七日夜氣候嚴寒結冰晚禾盡萎大
饑是歲義和拳仇教事起縣屬饑民乘機焚毀教堂搶掠教民財物閏八月義和拳

自廣平府至板臺村知縣張祖詠帶隊往勸拳匪抗拒勇丁被戕數名

二十七年拳亂平縣內陷被害教民京錢二萬串知縣王宇鈞籌辦未結因事撤任

繼者浙人魏祖德令各村每畝攤京錢四十文鄉民不明時局自爲洋差推東召村

武舉人景廷賓爲首抗拒十一月廷賓招集各村民合操於城外以示威十二月順

德府知府如松來縣稽核卷積知教案賠款於祖德到任前已由書院存款及商民

借款墊繳八千串又縣署存有賑銀二千兩可以移墊不敷之數約京錢七千餘串

於是招集廷賓等諭令每畝攤京錢一十四文或穀子二合可得京錢七千串不足

尾數由已捐廉補助廷賓欣然應命即將東召應應攤之款交足他處各村亦陸續

交納祖德以如松對廷賓寬容大慈且慮已以操切獲譴乃百方齟齬廷賓必使陷

於法而後快如松回府後祖德不飭差赴各村催徵將全縣三十二廠攤款責成於

廷賓一人廷賓弗敢應時各村已交至一千餘串見官府不催亦多觀望祖德即具

稟直隸總督袁世凱謂廷賓仍行抗拒世凱令嚴拿首逆解散脅從並派大名練軍

到縣鎮懾廷賓此時進退維谷欲具狀剖辨其鄉人劉永清阻之遂傳集各村民團

恃衆自固

二十三日前任知縣王宇鈞以廢弛因循匿災不報署知縣魏祖德以藉端派捐衆

怨沸騰均革職 廣宗縣署任內難捕武強縣知縣魏祖德貪污性成公事顛覆因

廣宗縣志

卷一 大事紀

十一

廣宗文獻委員會印

民情不服糾衆抗拒該員張大其事請兵進剿該員張大其事請兵進剿該員張大其事請兵進剿

二十八年正月知縣魏祖德撤任十三日知縣趙鐸接任大名道嚴鴻書大名鎮何

永盛正定鎮董履高順德府知府如松俱至縣十九日如松赴東召以義曉諭村

民二十一日道鎮會銜給景廷賓札諭廷賓未覆二十四日大名正定兩縣軍赴東

召列隊村南開始攻擊以村東有援廷賓各村民團千餘人不得合圍有頃新盛軍

自南宮至將民團驅入村內節節進逼始攻入村圍衆死傷極多廷賓與其黨數人

逸去是時兵無紀律焚掠極慘故鄉民仇教而外繼以仇兵

三月十六日廷賓復在鉅鹿境內復頭村聚衆數千人適武衛左軍後營管帶鮑貴

卿由威縣招常備新兵百餘人赴省道經復頭被廷賓戕傷大半委員典史錢德葆

附生劉炳勳千總呂孝申把總趙登貴五品張俊均遇害貴卿亦負傷十八日移據

件只村有天主教神甫法人羅澤溥行至威縣隄村外爲廷賓黨所殺二十一日

廷賓率衆圍攻威縣張家莊教堂不克退保件只袁世凱以事奏聞朝命盡法懲治